

Visoki predstavnik se susreo sa izvjestiteljima Vijeca Evrope

Visoki predstavnik, Wolfgang Petritsch, se danas u Sarajevu susreo sa izvjestiteljima Vijeca Evrope – gospodinom Laszlo Surjanom iz Komisije za politicke poslove i gospodjom Anneli Jaatteenmaki iz Komisije za pravna pitanja i ljudska prava, kako bi razgovarao o napretku koji je u Bosni i Hercegovini postignut u vezi sa ispunjavanjem uslova za prijem Bosne i Hercegovine u Vijece Evrope.

Ured Parlamentarne skupstine Vijeca Evrope je 1997. godine definirao uslove koje Bosna i Hercegovina mora ispuniti da bi bila primljena u Vijece Evrope. Visoki predstavnik i izvjestitelji su se slozili da je u posljednje vrijeme doslo do ohrabrujuceg poboljsanja u oblasti sudske reforme u Republici Srpskoj i u pogledu postivanja odluka Doma za ljudska prava u Federaciji BiH. Medjutim, napredak u uspostavljanju efikasnih zajednickih institucija i postizanju evropskih standarada je u protekle tri godine bio izuzetno spor.

Visoki predstavnik i izvjestitelji su razocarani cinjenicom da napredak nije postignut u vezi sa tri osnovna pitanja; jedno od tih pitanja je stalni Izborni zakon koji predstavlja osnovni zakon koji je, od njegovog predstavljanja Parlamentu BiH 21. oktobra 1999. godine, do sada dva puta odbijen. Ovo pokazuje da Parlament BiH nije u stanju da regulira izbore, koji predstavljaju osnovne temelje svake demokratije u svijetu. Drugo pitanje je funkcioniranje zajednickih institucija, posebno kriza u Vijeću ministra. Nominiran je predsjedavajući, medjutim poslanici u Parlamentu BiH moraju osigurati uspostavljanje efikasnog Vijeća ministara time sto ce odabrati osobu koja ce ojacati ovu vaznu instituciju i koja

ce imati podrsku entitetskih Vlada. Konacno, trece pitanje je situacija vezana za osnovne zahtjeve iz oblasti ljudskih prava, koji ukljucuju potpunu implementaciju imovinskih zakona, potpunu saradnju sa ICTY-om i uklanjanje etnickih podjela iz obrazovnog sistema. Ova tri podrucja su potrebna za proces izgradnje drzave u kojoj se BiH trenutno nalazi. Oni prema tome predstavljaju minimalne uslove koje BiH mora ispuniti za prijem u Vijece Evrope.

Visoki predstavnik duboko vjeruje da je integracija u Evropu od sustinskog znacaja ukoliko se zeli da Bosna i Hercegovina u buduce bude prosperitetna i stabilna drzava. Izvjestitelji su naglasili da nece biti promjena u uslovima koje BiH treba ispuniti za prijem u Vijece Evrope, ali da je Bosna i Hercegovina specifican slucaj i da je njen prijem u Vijece Evrope bitan ne samo za BiH nego i za ostale zemlje u regiji.

OHR i Vijece Evrope ce i dalje saradjivati sa organima vlasti Bosne i Hercegovine kako bi drzava bila primljena u Vijece Evrope cim to bude prakticki moguće. Medjutim, Visoki predstavnik i Vijece Evrope se slazu u ocjeni da prijem BiH u clanstvo u Vijecu Evrope nije odgovornost medjunarodne zajednice, nego organa vlasti Bosne i Hercegovine.